



**Broj: 07-02-979-17/21/06**  
**07-02-980-13/22/06**  
**07-02-981-14/23/06**  
**Mostar, 02.02. 2007. godine**

Na osnovu člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04), člana 31. stav (2), člana 37. stav (5) i člana 53. stav (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te člana 36. stav (6), člana 46. stav (3), člana 48. stav (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i Odluke o provođenju drugog tarifnog postupka br. 07-07-83-01/07 od 23.01.2007. godine, rješavajući po Zahtjevu za sticanje statusa umješača koji je u FERK zaprimljen 30.01.2007. godine pod brojevima 07-02-979-11/21/06, 07-02-980-08/22/06 i 07-02-981-09/23/06, podnosioca B.S.I. d.o.o. Jajce, Regulatorna komisija za električnu energiju u FBiH – FERK je, na III. redovnoj sjednici, održanoj u Mostaru dana 02.02.2007. godine, donijela sljedeći

## ZAKLJUČAK

- I. Odobrava se Zahtjev B.S.I. d.o.o. Jajce za sticanje statusa umješača u drugom tarifnom postupku u dijelu koji se odnosi na postupak formalne rasprave po Zahtjevu za odobrenje tarifa za djelatnost proizvodnje električne energije koji je u FERK zaprimljen 14.11.2006. godine pod brojem 07-02-979/21/06, postupak formalne rasprave po Zahtjevu za odobrenje tarifa za djelatnost snabdijevanja električnom energijom koji je u FERK zaprimljen 14.11.2006. godine pod brojem 07-02-981/23/06 i postupak formalne rasprave po prijedlogu tarifnih stavova za prodaju električne energije tarifnim kupcima podnesenim od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- II. Odbija se Zahtjev B.S.I. d.o.o. Jajce za sticanje statusa umješača u drugom tarifnom postupku u dijelu koji se odnosi na postupak formalne rasprave po Zahtjevu za odobrenje tarifa za djelatnost distribucije električne energije koji je u FERK zaprimljen 14.11.2006. godine pod brojem 07-02-980/22/06 podnesenom od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- III. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje



umješača, u slučajevima kada je to za dobrobit efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.

- IV. Ovaj zaključak stupa na snagu danom donošenja, te se objavljuje se na oglasnoj tabli i web stranici FERK-a.

### O b r a z l o ž e n j e

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit opštem javnom interesu, te da je umješaču omogućeno da učestvuje u postupku, svjedoči i zahtjeva informacije putem člana FERK-a ili voditelja postupka formalne rasprave. U skladu sa članom 46. stav (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno od okolnosti slučaja. Članom 48. stav (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stav (6) i članom 49. istog Pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o provođenju drugog tarifnog postupka br. 07-02-979-08/21/06 od 23.01.2007. godine određeno je da status umješača u postupku formalne rasprave može steći pravno ili fizičko lice pod uslovom da pravovremeno podnese zahtjev za sticanje statusa umješača, i da ispunjava kriterije: da ima direktan interes u postupku po zahtjevu za odobrenje tarifa ili po prijedlogu tarifnih stavova u vezi kojeg podnosi zahtjev za sticanje statusa umješača, a koji je različit od opšteg javnog interesa i da raspolaže podacima i činjenicama od značaja za formalnu raspravu u drugom tarifnom postupku koji se vodi pred FERK-om. FERK je putem Obavještenja za javnost o podnesenim Zahtjevima za odobrenje tarifa od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar i održavanju formalnih rasprava, objavljenim u „Dnevnom listu“ i „Dnevnom avazu“ dana 24.01.2007. godine, odredio da se zahtjev za sticanje statusa umješača može FERK-u podnijeti do 31.01.2007. godine do 12.00. sati.

Dana 30.01.2007. godine, B.S.I. d.o.o. Jajce podnio je Zahtjev za sticanje statusa umješača u postupku formalne rasprave u drugom tarifnom postupku, koji je u FERK zaprimljen pod brojevima 07-02-979-11/21/06, 07-02-980-08/22/06 i 07-02-981-09/23/06, a kojim je podnosilac zatražio sticanje statusa umješača u drugom tarifnom postupku i to u postupku formalne rasprave po Zahtjevu za odobrenje tarife za proizvodnju električne energije, u postupku formalne rasprave po Zahtjevu za odobrenje tarifa za djelatnost distribucije električne energije, u postupku formalne rasprave po Zahtjevu za odobrenje tarifa za djelatnost snabdijevanja električnom



energijom i u postupku formalne rasprave po prijedlogu tarifnih stavova za prodaju električne energije tarifnim kupcima podnesenim od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

U zahtjevu, podnosilac je obrazložio svoj direktan interes za sticanje statusa umješača činjenicom da pripada kategoriji kupaca na 110 kV i više naponu koji se bavi proizvodnjom ferolegura s prosječnom mjesečnom potrošnjom električne energije od 15 000 MWh, pri čemu udio troškova za električnu energiju u gotovom proizvodu prelazi 45-50 % i istakao da bi svako povećanje za njega značilo nemogućnost daljeg održavanja ekonomski opravdane proizvodnje. U zahtjevu je navedeno i da je podnosilac zainteresovan da u postupku rasprave dobije mogućnost utvrđivanja da li su i troškovi distribucije uračunati u tarifu, te da smatra da postoji subvencioniranje između pojedinih kategorija potrošnje, što podnosilac ne želi da plaća. Podnosilac je posebno naglasio da postoji mogućnost da kao kupac sa statusom kvalifikovanog kupca osigura jedan dio električne energije za svoje potrebe preko JP „Elektroprivreda HZ HB“ d.d. Mostar po povoljnijoj cijeni, što bi imalo pozitivan efekat na negativnu elektroenergetsku bilansu JP „Elektroprivreda HZ HB“ d.d. Mostar.

Rješavajući po Zahtjevu za sticanje statusa umješača podnosioca i to u postupku formalne rasprave po Zahtjevu za odobrenje tarife za proizvodnju električne energije, u postupku formalne rasprave po Zahtjevu za odobrenje tarifa za djelatnost distribucije električne energije, u postupku formalne rasprave po Zahtjevu za odobrenje tarifa za djelatnost snabdijevanja električnom energijom i u postupku formalne rasprave po prijedlogu tarifnih stavova za prodaju električne energije tarifnim kupcima podnesenim od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, utvrđeno je da je podnosilac tarifni kupac Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, te da troškovi nabavke, proizvodnje i snabdijevanja električnom energijom, odnosno tarifni stavovi za prodaju električne energije tarifnim kupcima direktno utiču na njegovo poslovanje. Utvrđeno je i da je po podacima kojima FERK raspolaže, podnosilac jedan od većih kupaca električne energije kojeg snabdijeva Javno poduzeće „Elektroprivreda Hrvatske zajednice Herceg Bosne“ dioničko društvo Mostar, kao i da je Rješenjem FERK-a broj 07-02-791-06/17/06 od 03.10.2006. godine podnosilac zahtjeva stekao status kvalifikovanog kupca električne energijena 110 kV naponu. Međutim, utvrđeno je da na podnosioca zahtjeva, kao kupca na 110 kV i više naponu, koji je priključen na prenosnu mrežu, troškovi distributivne djelatnosti ne mogu uticati na cijenu električne energije koja utiče na poslovanje podnosioca zahtjeva.

Budući da je podnosilac dokazao postojanje direktnog interesa da učestvuje u drugom tarifnom postupku, i to u postupku formalne rasprave po Zahtjevu za odobrenje tarife za proizvodnju električne energije, u postupku formalne rasprave po Zahtjevu za odobrenje tarifa za djelatnost snabdijevanja električnom energijom i u postupku formalne rasprave po prijedlogu tarifnih stavova za prodaju električne



energije tarifnim kupcima podnesenim od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, te da raspolaže podacima i činjenicama od značaja za ove formalne rasprave u drugom tarifnom postupku, odlučeno je kao u tački I. dispozitiva ovog zaključka. Kako podnosilac nije dokazao postojanje direktnog interesa da učestvuje u formalnoj raspravi u drugom tarifnom postupku, u postupku formalne rasprave po Zahtjevu za odobrenje tarifa za djelatnost distribucije električne energije, podnesenom od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, kao ni da raspolaže podacima i činjenicama od značaja za ovu formalnu raspravu u drugom tarifnom postupku, odlučeno je kao u tački II. dispozitiva ovog zaključka.

**POUKA O PRAVNOM LIJEKU:**

Protiv ovog zaključka podnosilac Zahtjeva za sticanje statusa umješaća može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Zdenko Šimunović s.r.**